

華海彙編


六

3487
4031

v.6

朝

廿十二



Carpentier

華海彙編目錄

下編

本朝東西人分黨

南北人分黨

附大北 小北 中北 緩北 肉北

骨北 皮北 清小北 濁小北 以上

皆從東人分流

老小論分黨 自西人分論

附蕩平

分黨溯源

李珍島米獄

己丑獄事

邪正搆誣

華海彙編卷之六

韓山李源順時和輯

東西人分黨

明宗甲子間青陽君沈義謙乃錮之子 仁順王妃
弟也以舍人回公事往領相尹元衡妾壻李肇敏館
有他人寢具問之乃進士金孝元也孝元有文行聲
名動世及 宣廟朝釋褐吳健力薦銓卽則義謙心
鄙前事斥以染跡權奸不許義謙之弟忠謙擬銓卽孝
元亦以銓卽非外戚家物塞之初 祖宗朝懲嚴代
強臣之患設臺閣以議論為政凡除拜專屬吏曹又

慮吏曹權重三司差擬專任郎官故銓郎之權直與
三公埒也銓郎必以三司中有名德者揀選而令自
薦其代年少新進無不親覬通塞之間不能無爭端
也於是少輩譁然指沈為妨賢孝元又目義謙為心
慙氣粗至謂不可柄用搢紳游談之徒左右交亂以
戚畹士類為黜陟之論先是李樛 仁順王妃表叔
也愚駭多氣儕流嗤笑之 明廟厭元衡植李樛以
敵元衡樛恃寵驕恣義謙去樛保護善流故前輩年
高位尊者多扶翼之自是金沈角立而士林先後輩
遂成睽貳孝元家在駱山下東學洞歸東人義謙家

在白門內貞陵洞蹠西人也東人推金孝元許曄金
宇顥李山海李潑柳成龍李洁李敬中鄭仁弘鄭芝
衍鄭惟吉西人推沈義謙朴淳鄭澈金繼輝辛應時
尹根壽李海壽洪聖民具思孟趙憲金千鎰高敬命
宋象賢皆經術才猷有一代偉望先是相臣李浚慶
遺表憂朋黨之漸王堂李珥斥其不然至言人之將
死其言也惡白仁傑疏曰東西二字是亡國之禍胎
也宣廟乙亥許曄金孝元為臺官以微事強侵相
臣朴淳淳在相位律被推考東人之計欲使淳自去
位以孤沈勢於是金繼輝論許曄而趙瑗繼之東人

積不平李珣揚言於朝以為東西皆士類不可偏攻
乃與盧守慎白上出補沈金二人於外要為鎮定
保合彼此血誠調劑而不能得其後戊寅東人稍盛
西人尹晁與東人金誠一同為銓郎不相能誠一等
欲陷三尹未得乃起李銖張世良獄獄竟不驗鄭澈
素剛直輒言李潑過惡金繼輝又訟尹斗壽等被誣
事東人深惡之辛巳鄭仁弘起林下拜掌令自以清
論將劾義謙蓋國家屢經士禍小人濁亂多出戚里
故士流或噓焉時仁順大妃上賓義謙曰絕內援
而東人執虛名攻之太過凡西人之右沈者舉謂之

邪黨新進之士浮慕名義惟東人是趨東黨由此益
盛李珣為大司憲力主調停勉從仁弘畧論義謙積
失士類之心珣嘗為兵判也詣玉堂洪迪家誦迪花
落高下不齊飛之句以為唐調時名士大夫會迪曰
吾輩會議者効公事也珣曰既有公議吾不可在此
遂起去東人又聲言鄭澈與沈為朋比珣為澈力辯
之尹承勲橫肆侵詆於珣至癸未許對疏斥珣上
怒竄之大諫宋應溉又劾珣上又竄之都承旨朴
謹元率同僚覆逆上又竄之是為三竄對所論多
有據撫而無其實珣竟被誤國小人之目成渾適赴

朝痛辨鄭澈又從以力言 上所以亟斥符等也於
是右珥者多於右沈而西人至此亦衆甲申李珥卒
後朴淳劾去金字顓而李滌等漸加攻毀西人之尊
珥淳者常困於貶辱至己丑東人前修撰鄭汝立逆
變作鄭澈為妄官治獄鄭彥信李滌李洁白惟讓曹
大中皆死東人崔永慶以曹植門人有清修名亦死
獄中東人之平日峻激者不死則竄朝著為之一空
自己丑至辛卯鞫獄不罷連挺甚廣時澈已適妄官
而東人猶疑成渾喉澈搆殺永慶怨怒彌深初李山
海與澈同推珥渾甲申後專附時輩為澈所鄙汝立

獄後渾澈金長生李希參會坐澈曰汝立黨多黃海
道擬汝立都事之政官不可無罪長生曰汝立本欺
世吏曹安知為逆而不預擬黃海都事乎渾同澈議
希參告山海蓋山海其時銓官也山海大銜之及為
領相柳成龍為左相鄭澈為右相是時上無嫡嗣
議屬金淑儀所生光海君上意在金仁嬪所生信
城君山海謂成龍曰鄭新參相位必有急務成龍語
澈澈曰建儲為急山海遂約二相同入前二日山海
子慶全往金公諒家仁嬪甥也方談笑山海奴急來
曰大爺垂涕招即君公諒深恠之朝往問故慶全曰

曰鄭相方先請光海儲嗣次殺仁嬪王子吾親謂何
忍見是以泣公諒以告仁嬪仁嬪痛哭上恠問之
告其事曰願歸死小人家上曰公諒無識何處聞
浮浪言乎鄭澈何以殺汝子爾何為恠狀於是上
疑之密以御札徃復且使人密探松江賓客徃來者
又使信城外舅捕盜大將申砬率軍官直信城家以
戒不虞而澈不知也時副提學李誠中草建儲疏有
書吏矚其機勸勿上登對日山海稱病澈獨入請建
儲上震怒曰吾猶在急建儲欲何為澈出待罪成
龍不出一言李誠中李海壽曰非澈獨為臣等亦同

議上即除誠中忠清監司逆海壽又教曰鄭澈違
諸實欲殺王子之計戾氣生毒澈矣西人密知公諒
事兩司將欲請殺尹斗壽曰合啓公諒何其疲弊吾
在西銓當隸公諒府下尋罪誅之即以公諒隸校山
海又語公諒公諒以告乃選根壽孫新之為仁嬪翁
主壻事遂已此山海弄奸處也時澈在相府上下
脩忘記逐之兩司仍迎合論罪構棘江界兩司又欲
加律山海以為不可而止澈既竄山海収召東人之
所斥逐者一隊善類無不以奸黨竄錮是為辛卯東
人得志之秋也先時有宴會滿朝畢會獨山海有故

作詩送之年月下只書鵠翁澈見之曰此大監今日
真出自家聲蓋鵠翁二字類猫聲故澈比山海於猫
也山海聞而深憾之山海五歲能作詩文名世得時
望始與澈推珥渾後附時輩遂成隙壬辰倭變宣
廟播遷至開城府小駐有一宗室上書請治金公諒
交通亂政之罪又論李山海誤國之罪請竄之上
只命罷山海相職流平海上御松都南門樓軍民
父老請召還鄭澈使赴行在上在義州下一詩
於政院曰痛哭關山月傷心鴨水風朝臣今日後寧
復各西東當是時寇亂日深西人之曾見擯棄者皆

能伏節死如趙憲金千鎰高敬命宋象賢最其著見者東西二黨咸聚於朝而倭寇尚屯南海國虞板蕩朝臣莫暇攻擊及戊戌倭撤歸山海亦已宥還時鄭澈已歿而東人復張持澈甚急追奪其職先是義謙與孝元一時之爭皆無深意而至於末流河決魚爛孝元亦嘆之謂義謙曰吾二人雖為亂階實相為知己其孫判書世濂亦謂義謙諸孫曰人謂吾兩家為世讎而實則世交也○李樛執柄李戡權信高孟英金百鈞李翎等諂附為腹心金明胤鄭士龍金繼儉等以崇品阿諛納交尹斗壽李文馨許曄持清論不

附義謙乃樛之甥而一反樛道副學竒大恒義謙戚人也知有密旨劾樛賜死時義謙與有力焉李滉倡言功存社稷竒大升朴應男以滉之門人與義謙相善彰善彈惡朝著肅清盧守慎還朝曰吾輩得無後慮乎蓋士論本於戚里恐人譏之也後東人以此言為公案然義謙有功無罪故李珥欲調停士論以是時論致咷於珥鄭澈深責以黨禍從此始矣後澈等嗾仁弘論義謙而珥恐愈激勉從澈知仁弘意不在沈而珥見欺謂珥曰豈料吾輩死於公手乎珥驚曰吾未覺得仁弘一日再啓果劾澈黨義謙○曹植與

李滉不相許及河宗萼妻淫獄事嘗恨其不痛治使
門徒逐河妻而毀其家植又與李楨交厚及是楨見
不同疑受河賂而緩獄於差官乃毀楨同隣新屋作
絕交書示吳健等滉聞而非之竒大升諸人亦笑之
大升同李俊民為承旨言曰河獄問南溟必詳識植
大怒罵曰竒大升欲拿鞫問余時金孝元往植曰名
為士流而附外戚可乎蓋以大升諸人附義謙也植
大喜推獎使吳健薦銓卽且言大升言行凶悖必誤
國事嶺南東西之論由是激發至於廢大妃而極矣
李浚慶本不快年少士類至是愈激必欲殺士類凡

五次發端而不成此東西分黨之源也

南北諸人分黨

先是金孝元出外而李潑用事握朝權十六年與禹
性傳不相能東人中柳成龍右性傳為南人李山海
右潑為北人東人遂變南北兩黨一云李珥力主和
平保合之論李潑金應男鄭仁弘等不能排擯乃以
不測之惡名加諸人欲置之極罪柳成龍曰如何則
傷人必多不可適從禹性傳之意與柳合而異於潑
等遂分南北當是時山海子慶全將薦入吏曹錄嶺
南人鄭世經時以銓郎執不可揚言以為慶全自儒

生時多浮謗不可引入銓地山海及附於山海者咸大怒時李德馨在相府使人請李垓謂子可語景任

經世字

若塞慶全銓薦則生大風波此非鎮定朝廷之

計吾非為私也垓與經世同鄉而慶全於德馨妻弟也及之經世不聽山海怨經世嗾其黨南以恭移攻其師柳成龍蓋經世本成龍弟子山海疑經世受成龍指嗾使以恭言之而非其罪於是右成龍者如李元翼李德馨李晬光尹承勲李光庭韓浚謙等皆謂南人以成龍家嶺南也右山海者如柳永慶奇自獻朴承宗柳夢寅朴弘耆洪汝諄任國老李甬瞻等是

謂北人以山海居洛北故也南北分而北人尤盛當
國十七年東人之誅遂絕辛丑北人得志鄭仁弘使
朴惺文景虎等誣成渾不赴國難潛害永慶竟至追
削西人之前後言事者貶黜殆盡戊申光海即位崇
用北人而西人與南人俱失勢癸丑誣獄之起論國
舅金悌男挾永昌大君謀逆殺之幽仁穆大妃于
西宮北人又分為大小焉主廢母論者為之大北異
者為小北而大北則以李甫瞻為首許筠韓續男鄭
仁弘李愔白大珩等贊之小北則以南以恭為首柳
永慶朴承宗奇自獻柳希奮金蓋國等雖官高於以

恭而以攻斥廢毋論為小北贊之互恃恩寵以威福
相軋時人號為三昌爾瞻時為廣昌府院君承宗為
密昌府院君希奮為文昌府院君故也慶全初與爾
瞻善恐禍及已癸丑間使其子襄上疏請斬爾瞻方
爾瞻與慶全對棋也小報至有進士李襄請斬爾瞻
之疏爾瞻驚曰令公之子欲殺我也慶全曰寧有是
理必有同名者矣爾瞻信之卒局而起後知其見欺
而絕之慶全遂入小北柳永慶以私於永昌大君為
仁弘劾殺之永慶將敗以恭之類知機先角立時人
謂以恭清小北謂永慶濁小北希奮在戚里秉權小

北之黨猶不衰然大北最強故又自分裂鄭昌衍李
溟柳夢寅等以救鄭蘊為中北洪汝諄初附山海通
宮掖害善人自任己友間復相傾山海山海黨圖去
汝諄不果 宣廟因相臣李憲國言兩黜之時人目
山海曰肉北名汝諄曰骨北而許筠為皮北光海壬
子癸丑間稍為寬論者名曰緩北而不知何人的當
是名 仁祖反正時凡北人之濁亂者沒誅之惟小
北多無恙然黨小勢孤不能自立或託他黨至今小
北人不甚高官不鯁議論與時浮沉苟容為主黨小
故甚護黨世傳小北纔冠相授科場秘方一小北主

試衆小北必叅勢孤故自力文辭文亦以科文為準
的云

老少論分黨

癸亥 仁祖反正西人金瑬李貴洪瑞鳳張維崔鳴
吉李曙具仁瑬李厚源元斗杓具宏申景禎沈器遠
金自點李适等協贊舉義爰倫再叙 大妃復位大
北甬瞻仁弘以下盡誅死自後無敢以大北為名者
西人遂執國論舊相李元翼南人也召為元輔通用
南人 上以諸功臣多驕恣每抑西人扶南人金瑬
揣知 上意恐失勢陰下令於自中曰吏曹叅判以

下皆許南人而吏曹判書以上及政府則不可許南
人絕無柄用者惟張顯光以山林長銓李聖求附塗
乘丙子亂暫登相位時李珣成渾從祀之論已發南
人猶醜正不已至上末年薦拔學問之士宋時烈
宋浚吉起於山林中外拭目自此西人主局非勲戚
即山林南人常鬱鬱處凡調 孝廟初元禮羅賢俊
彰大義於天下宋時烈首應聘召寄諸葛亮之責列
于朝者益多西人而南人趙綱洪宇遠許穆尹鐫權
認有時望亦廁其間已亥 孝廟薨 莊烈后既服
昭顯世子三年至是宋時烈定以期年南人久已蓄

怨伺隙尹善道鑄穆等煽為卑主貳宗之說借禮論
嫁禍時烈最受其鋒嶺南士人柳世哲等又為陳疏
黨論更加一層甲寅 仁宣后上賓 顯廟以 莊
烈后不為長子婦服會諸臣議禮致誤怒斥西人穆
鐫善道等攻之甚力首相金壽興被謫時烈待罪南
人許積為相受顧命 肅廟嗣位積當國先是 上
外祖金佑明用隧道葬父時烈非之閔維重劾其失
佑明疑受旨於時烈以閔慎代父居喪事斥時烈遂
成大隙佑明侄錫胄與積等合引入南人以誤禮攻
時烈荐棘海島又發告廟按律之論西南爭端自此

始而錫胄以王堂一年超拜兵判南人執柄吳始壽
閔澠閔黯柳命天以緩於罪宋謂之濁南許穆權大
運洪字遠李觀徵等以峻於罪宋謂之清南錫始為
清論終為濁論庚申積執政其庶子堅素驕恣為及
第恨不得清顯意希非望與宗室楨枏圖不軌與錫
胄有隙欲先去佑明錫乃請管束 慈殿洪字遠趙

嗣基朴憲等又陳疏一襲爾瞻佑明憂憤不起疾賴

舊相金壽恒抗章力討錫等計不售錫胄金萬基密

令私人鄭元老光弼妻子伺察堅動靜知其凶謀時積設

賜几杖宴宣醕賜樂命赴百官以寵之錫胄不赴直

入闕告元老言即令設鞫與元老面質堅服即輾裂
起大獄殺楨柟鑄吳挺昌迨及武將柳赫然而李元
楨趙礪李德周俱宰相也餘黨竄廢冤死亦多西人
復當國錫胄還托時烈庚申後因科場無名告變書
錫胄受 旨偵探南人為諜者金煥也錫胄時赴燕
付其事於金益勲益勲使煥告變時錫胄已還使益
勲密啓於兕房遂起璽瑛之獄初煥之貨誘許璽錫
胄之教也因璽而察柳命堅亦錫胄之教也益勲收
殺之以是主張歸益勲璽等伏誅而他所引或不無
虛實於是西人少年名官趙持謙韓泰東劾益勲以

誘致反逆之設心甚於反逆又曰誣人希功時持謙
以偕來承旨往拜宋時烈言其事時烈亦謂無狀及
入京始聞錫胄事曰然則非益勲之罪少年遂大潰
曰長者亦為偏私無足恃也論議歧貳西人之中老
少又分為二前輩有金萬基金錫胄閔維重閔鼎重
金壽興金壽恒李端夏李敏叙等咸宗時烈不與時
議彌以老論以老成先進故也持謙恭東等自成一
黨以排擠勲戚名為清流朴世采南九萬吳道一尹
趾完朴恭維等助之世稱少論初尹宣舉丙子入江
都與妻友約死及妻友死身獨改名以宣卜苟免悔

過志學交遊於時烈有聲譽又畏尹鐫陰附之其子
拯師事時烈且與南人權愔李三達聲氣相連宣舉
歿之年己酉有擬書於時烈所言皆崇獎鐫穆者又
其年譜備載之並擬書秘不出至顯宗癸丑見鐫
之黨朝夕且入又見宋忤南人乃請其父墓銘於時
烈始見年譜擬書所論與平日斥鐫者相反深疑於
宣舉死生心跡故宋示不滿意於墓文拯含怨外存
師弟之名陰肆怨詆遂附持謙等為勢當時西人非
宋偏則乃持謙人故拯自歸於少論拯以名家子負
宿儒重望少論翕然戴之其黨愈繁則顯絕師門遂

與南人合至已已

肅廟誕元子

景廟

南人閔黯權大

運睦來善閔宗道金德遠等用事

仁顯后退處私

第南人初入患失不為力爭庭請不過半日而止朴

恭輔等敢言受戮黜李珥成渾於聖廡乃殺宋時烈

金壽恒李師命金益勲進用尹拯為大司憲援拯伸

鎬及庚申冤死人惟堅楨柵挺昌不原削去庚申保

社勲廢贈持諫甲戌坤宮復位禧嬪張氏廢

上大

誅閔黯李義徵逆黜諸南人而西人復入時大臣南

九萬柳尚運等以少論陰為自全計不為國母討賊

乃於張氏獄免希載死朴世采以左相赴名討希載

不得請自是南朴又分論尹趾完徐文重朴泰尚申
翼相崔錫鼎等依九萬為黨申琬俞得一申鉉等從
世采為老論及辛巳 仁顯后上賓希載閔彥良宗

室杭等巫蠱事發覺被戮九萬以罪去自甲戌以後
老少論迭進數十年輒有尹拯是非之爭少論以拯
宗主焉南人見廢立朝者絕小然自九萬倡邪論之
後儒生林溥李潜之疏藉國本而媾禍於老論賴

上英斷士林得以無事癸巳 上即位四十年二品

以上請上尊號兵判趙泰采倡其說領相李濡白之
金鎮圭李晚成諸臣皆立異於是主是議者為大黨

駱黨立異者為花黨蓋泰永居大洞濡居駱洞晚成
居花田也戰爭方始而遭辛壬之變遂合而殉國丙
申上專任老論嚴斥尹拯父子削其官明示好惡
領相金昌集以宣舉文集有僭妄語毀去書板少論
柳鳳輝朴弼夢李真儒崔錫恒徐宗履林象極吳命
尹李光佐尹聖時李明誼等諸凶終始投匭血戰思
欲一逞至辛丑景廟嗣位不幸有疾嗣續無望大
臣金昌集李頤命李健命趙泰永奉慈旨冊英
廟為世弟則鳳輝首斥定策諸臣之罪命世弟代
理則金一鏡趙泰耆韓世良等踵鳳輝恣為凶言諱

上有疾惟動撓國本是急挾宦豎朴尚儉謀廢世
弟事覺只誅尚儉獄不究又喉睦虎龍誣告老論謀
反崔錫恒李光佐等按獄鍛織殺昌集等四大臣以
代理節目聯劄事為逆案巨卿武宰朝士儒生駢罹
屠戮是為辛壬士禍東國所未有也虎龍既策勲而
逆鏡撰頒教文凶言直加於不敢言之地甲辰景
廟薨趙恭億撰頒教文又襲一鏡餘意一鏡教文所
謂蹠血禁庭其疏所謂懷刃鍾巫一串貫來凶謀狼
藉錫恒一鏡則直以罪人招辭多逼東宮肆然陳達
恭考則至擬諸梁獄前後謀危之狀昭不可掩自此

一鏡之黨布滿朝廷與南人禍家廢族嗜利媒進者
締結往來焉乙巳 英廟初服一鏡卽龍師尙就商

後先伏誅泰億亦竄老論復進雪四大臣等寃鄭浩
閔鎮遠為相率百官請誅鳳輝以下少論諸賊 上

以事關聖躬務從寬典只許投竄鏡黨及南人廢族
謀為逆亂做出謊說傳播中外丁未羣臣爭之益力

上深軫黨禍更為黜陟忠逆舊案一併換翻之少

論又得志及戊申掛書之變出南原全州及都城誣

聖躬極其凶慘使聽聞憤熟然後少論沈維賢朴

弼夢弼顯等復煽一鏡所倡不道說與南人李璘佐

鄭希亮等連三道傳檄舉兵光佐居首相授李思晟以關西節度使畀南秦徵以禁軍別將內外相應關北伯權益寬湖西伯權詹各為聲援隣佐兵先陷清州帥臣李鳳祥營將南延年不屈而死弼顯起泰仁導儒起安陰皆以掛書之意傳布凶檄自稱義舉一國大震遣兵曹判書吳命恒率將士討平之亂定明諷真儒聖時宗厦象極命尹等以逆黨死不數年

真宗薨南人鄭思孝及道隆少論李穡等與宗室埃圻結宦妾宮中有咀呪之變凶圖狼藉始乃發覺於庚戌之獄皆伏邦刑於是上思救黨弊遂合諸黨

號曰蕩平取洪範建極之意也即調停之策也故相
朴世采嘗務是論 命配世采聖廡使老論相洪致
中少論相趙文命率諸黨之進取者布列百僚行之
十餘年忠逆是非一切混淆然老少論執政南人少
北沾其餘漚又以拘成進取之窠故其風習震蕩之
勢不如他黨論所謂蕩平不過口頭唯唯心老心少
終不悛南小亦如之已未以來國是初定始取帝寵
誣案火之昭雪忠寃廢贈如舊乙亥少論尹志尹尚
白逆亂又起志就商子掛書羅州有奸臣滿朝民陷
塗炭舉兵等語完伯趙雲達馳啓詞得伏誅李夏徵

朴續新趙東鼎等凶孽就誅恭耆鳳輝世良益寬李
明彥權縶等十數賊追加大廷律師尚就商真儒等
并亦拏籍錫恒恭億光佐削其官秩大赦國中蕩平
後老少論有緩峻之分少論峻者主恭耆光佐之論
緩者皆從文命老論峻者以忠逆混淆為難進之義
緩者務為和平浮沉取用會志獄出而干連多凡少
論立朝者聯名封章首討耆輝等諸逆賊指為亂本
南人小北又繼之其論與老論同歸至是國論定而
不貳云此後老論久秉軸分黨尤瑣瑣不可盡記○
自宣廟乙亥至光海壬戌五十年為東人時自

仁祖癸亥至 顯宗癸丑五十年為西人時其末流
之禍東人在於戊申之日以柳永慶心主永昌李甫
瞻力扶東宮一立一落而成故其禍之極在上而易
局西人在於己丑之初以李厚源力主湖西以大同
法金堦心護漢西勢不相敵累世而後成故其禍之
極在下而易局○宣廟辛丑間有尹西申西之目
仁廟反正初有功西清西之目又於 仁廟己巳間
有少西老西之目少西謂朴炡羅萬甲俞伯魯權濤
鄭弘溟姜碩期之類 仁祖朝金瑬在銓曹務為調
停之論推轂南以恭為都憲王堂論其不合瑬指少

年名流五六人為朋黨以老西少西之說白于上
上怒貶朴炆俞伯曾羅萬甲三學士於外吏判張維
亦以救護萬甲特除羅州牧使崔鳴吉劄曰南以恭
雖柳朴所親癸丑以後與主張廢論者為仇敵乃以
指喉李元翼為罪屢年竄謫壬戌冬間又有救護士
林之功今當更化之日無論彼此扶其尤者與共國
事未必非收拾人心之一助故臣與金瑬同席贊助
始擬清望而三臣之論以恭者亦不無執言之端蓋
先輩年紀既高閱歷已多故其論常主於寬恕後輩
血氣方強名節自勵故其說常主於清峻寬恕者或

流於情勝清峻者或流於過激二者所尚之相反自昔然矣臣幼少時見一隊士友中黃慎鄭曄吳允謙諸人以儒學行誼為前輩所重金塗洪瑞鳳金尚憲以清名華聞為後輩所推而論事之際緩急不同譏評前輩之言蓋可多矣而前輩處之怡然終不介意此所以全交之道也歲月侵尋人事漸變昔之後輩反為今日之前輩而又將前日清峻之論讓與一隊年少而自居於受人譏評之地互換之道正好一笑寬恕之道獨及於不能無瑕玷之人而不及於一時持清議者則何異於惡舟之傾而移左而就右乎未

幾三學士及維并蒙恩召○宋浚吉嘗曰西南之論
各主一處未知其孰是然如文元老先生浦渚趙爺
俱是厚德公心之君子而每主西人之論後學當須尊
信而以為定論矣

華海彙編卷之六

分黨溯源

余既編東西分黨而人有疵其太畧乃撮議論之由東西者輯為一書或過於詳或失之畧者隨其年代之遠近也至若辛壬義理只取其當時爛簡而外史無徵雖欲記一二耳聞何足傳信也故忠逆是非無以瞭然然其中亦寓公正之見讀者自知之也

乙卯歲李苞等以 仁廟未踰年之君不入文昭殿而附于延恩殿盖有所受也其後 明廟將入文昭

殿李滉及年少士類之意以為 仁廟君臨一世

明廟入承其統為人後者不可不享於文昭殿也三
司論啓以李浚慶復踵李邕之餘論頗侵之浚慶雖
屈意從之而內懷不平自此朝論日漸攜貳是時李
滉撰文昭殿奏議以浚慶之意不可故不得上達是
時洪暹洪曇宋純金鎧等忌士類欲逐之李滉既退
鎧語人曰浩卿此行所得不小暫訪京城手握一品
告身歸鄉豈不光眼乎鎧嘗過全州遇監司宋贊劇
言儒者之弊倘若無人府尹盧禎退而脫帽投地曰
著此終不免禍蓋鎧必害士林也及曇為吏判引鎧

為大憲鎧大言曰當今士類安欲有為不可不抑制也鎧未久連任申華國往鎧之子世輝曰吾父為大憲時以領相李浚慶之言欲請罪朴淳朴應男奇大升金繼輝李浚白鄭惟一具鳳齡李珥鄭澈尹斗壽根壽具思孟朴謹元洪聖民李海壽辛應時吳健等十七人不意見連未果云己巳春鎧以特進官自請入侍進言曰當今年少輩作黨輕蔑大臣已成己卯之習意欲排擯士類也臺諫安自裕鄭澈承旨沈義謙力卞之澈至曰己卯趙光祖諸人皆賢者也鎧紹述袞貞之餘論熒惑天聽嫁禍士林翌日承旨奇大

升請對斥鎧後領相李浚慶言承旨請對非舊規恐
無體統李珥啓曰承旨亦經選官有何不可於是三
司論鎧門外出送蓋鎧承浚慶之意將罪十七人仍
欲及李滉滉與大升書曰吾輩今日實無更張國事
變亂政法將欲逐迫舊人濟已植黨之為者而彼乃
強此之無據而為罪必欲納之罟獲陷穽之中而後
已鎧持身居官稍稱廉簡而為人剛愎自信不喜道
學之士見人異於俗流深疾之他日又啓曰臣前日
之啓非嫉賢也惡似善而非善者其言欲自明而其
意陰險當澈之斥也 上厲聲曰鄭澈過矣金鎧何

至於此澈曰雷霆雖嚴臣言不敢不盡因言鎧失切
中其病鎧面色如土先拜而出憂懣成疾數月而卒
此東西分黨之漸也曹植與李滉本不相許及至河
宗夢妻之獄事植以不能明白痛治不平于心且李
禎受賂緩其獄作絕交書示吳健輩暴禎過惡詳在上篇
滉非之與禎書曰愚意不欲令公憚其言而力為發
明又不須屈已求合也又別紙曰曹君有高世重名
意謂其人亭亭物表皎皎霞外天下萬物不足以嬰
其心彼鄉里一婦失行與否何等一塵穢事使斯人
而遇說此事宜若洗耳而不聞乃為之自敗高節與

人爭是非費盡心機至於積年而猶未止誠所未曉
然公不幸而遭此變亦不須分疏亦不須傷歎亦不
當以全交為望惟當自反而牢定脚跟硬著脊梁仁
義存心而抱如舜之憂直義養氣而果如曾之勇超
然若不聞其言洒然無相及其事邈然為不知也又
曰朋儕間事兩皆名流至於違背如此莫不疑恠而
嗤笑雖如滉者亦不免為兩君嗟惜之滉意既如此
而奇大升諸人皆以植為非而笑之遂成隙焉詳在上
方權奸用事也李浚慶不能厓異而心護士類故時
望不衰元衡既敗乃得當國而浚慶無經濟之才性

又高亢不能下士且膠守舊轍道上因循架漏相業
無可觀士林短之大升尤發侵語浚慶啣之遂與士
類不協乃上劄論朝臣有朋黨之私 上驚問若有
朋黨則朝廷亂矣大臣和解之而語甚糲糊 上亦
不窮問得無事而由是士林指浚慶為醜正之人壬
申秋前副應教李珥疏曰朋黨之說何代無之而惟
在審其君子小人而已苟君子也則千百為朋多多
益善苟小人也則一人亦不能容也況於成黨乎若
不問邪正輒疑其朋黨欲破之則東京黨錮之禍白
馬清流之慘未必不作也大臣當激濁揚清使君子

得與小人屏跡可也豈可以數行辭說姑為塞責之
計耶浚慶所以為明黨者皆負一時清望主張公論
者也若明言姓名則不特得罪於士林而歸於小人
殿下亦疑其防賢病國矣故莊頭匿形鬼談鉞說如
此正直行之者果如是乎古人將死其言也善今人
將死其言也惡嗚乎異哉今者大奸大慝如南袁沈
貞者雖不可謂必有此人而亦不可謂必無此人也
浚慶之說一出而流俗之輩多有是之不幸而袁貞
之奸潛伏周行復啓讒喙舊臣所懷非笑者隨聲應
響而殿下又不免有先入之說所稱則已卯之禍

復作於今日矣士林何辜宗社何依言之至此不勝
痛哭時沈義謙金孝元議論歧貳各分黨類詳在上左相
朴渾有清名重望而是前輩故指為義謙之黨時載
寧有奴殺主之獄渾為委官上以無明驗命釋之
許曄為大司諫孝元為司諫欲以按獄失體請推考
渾乃謝病士林疑孝元欲攻渾以孤義謙之勢辛應
時謂副學李珥曰諫院請推大臣大失事體玉堂何
不劾連珥曰玉堂非主論劾之任也鄭澈謂珥曰請
推大臣必是挾私意動撓賢相使不安其位玉堂烏
可無言珥曰此非金孝元所為乃許大諫之議過中

也澈曰公以此止於過中耶太輝

字仁伯孝元

同心為

邪論之主此欲攻去賢相非無意也時吏判盧禎辭
病不來代以鄭宗榮素非人望且有附托孝元之請
澈謂珥曰鄭銓長豈可在于珥曰論駁非王堂之職
澈慨然作詩曰君子辭黃閣小人秉東銓賢邪進退
際副學心怡然珥見詩但微笑而已宗榮鄙俗狹中
且忌士林故大憲金繼輝劾以未洽名望不合銓長
上雖不允宗榮謝病免正言趙瑗啓曰推考者照以
箴杖之律乃所以治庶官也不可以施之於大臣於
是諫院避嫌曰請推大臣未見其不可獨繼輝所見

與瑗同仍論曄以屍親切族信聽屍親之言持論過中至於請推大臣云云時淳以賢相被劾公論甚不平而年少者皆孝元儕流論議相符澈見瑗與孝元不相悅諭以公論瑗乃劾之副提學李珥將會同僚適見柳夢鶴曰此事將何以處之夢鶴曰失一賢相豈不可惜珥曰若劾趙瑗則鎖右相于重門也雖欲出得乎珥會同僚問曰此事何如同僚皆曰若連兩司是防言路珥曰諫官有失而玉堂糾正則何妨言路大臣有罪連之可也罷之可也雖流放竄殛可也言官隨事論斥有何回避但不可請推也所謂推考

者有司詰問照律乃督察庶官之法非所以待大臣
昔漢臣有使司隸校尉督察三公而議者非之今之
請推大臣乃有司督察三公之法也諫院之啓既非
而憲府雷同亦可適惟金大憲趙正言可出仕僚議
不同珥力辨良久乃歸一修撰洪暹曰許大諫一時
所宗而乃被論劾此可慨歎著作洪迪李敬中曰許
大諫豈私於所親為過中之論乎大憲之論過矣不
可適珥曰此言是也乃上劄書適兩司只使趙瑗出
仕公論皆以為得中而惟孝元儕流不快於心暉尤
不平李誠中見暉曰令公請推宰相非也暉厲聲曰

吾初言請罷而同僚力止止於請推緣吾殘弱也且
玉堂處置臺諫甚誤何以適兩司而存趙瑗與叔獻
年少不知事者為王署長國事何以不誤左右默然
韓修聞之曰許太輝大失性殆將死乎曄負士望而
久居堂上之列不得陞品頗懷憾焉少與盧守慎相
友故恨守慎之不薦引一日守慎問曄曰誰可作相
曄歷數朝紳曰誰不可相如洪曇鄭宗榮輩皆可相
守慎默然知其為愠語繼輝在憲府指曄為徇私偏
主已見曄子筠為吏郎輕薄無識齎怒繼輝揚其父
之失欲出之吏叅朴謹元希時輩之旨乃出繼輝為

箕伯尤不厭重望柳希春棄官南歸珥謂人曰柳公
雖無才讀書之人也李後白金繼輝練達時務明習
典古不可去朝也議于同僚請留三人上不從于
時沈金既有分黨之漸而繼輝後白皆有人望為沈
黨者也二人既出孝元受謗益深諫院啓以吏曹循
私失情請逋叅判以下即依 允且教曰曾於親政
時沈金角立之說日益盛朝論紛紜大諫鄭芝衍問
于珥曰論議橫潰將如何珥曰此由銓曹不得其人
但當鎮之朴謹元不厭衆心可啓逋而銓郎有關若
得公平之人政事得體而仁伯自求外補則庶可無

事之衍心然之欲只駁謹元而僚議欲悉駁銓官之
衍不能抑蓋銓卽李誠中許對皆孝元深友故欲擊
之以殺其勢乃悉通叅判以下少輩多疑恨十月
上以特旨除孝元慶興府使曰此人在朝使朝廷不
靖當補遠邑吏判鄭大年兵判金貴榮啓曰慶興極
邊近接胡人非書生所宜鎮撫累啓乃命移富寧義
謙則拜開城留守蓋李珥欲出兩人于外以鎮浮議
勸右相盧守慎白 上珥繼陳之有是命改孝元為
三陟尹斗壽根壽尹晁與金誠一同作銓卽論議爭
盾遂成嫌隙東人甚嫉之乃有李銖米獄

詳在
他本

仁弘

剛直而量狹計慮不能周偏嫉惡如讎既論性傳敬
中之後時輩疑以珥主論而抑東扶西多有不平潑
素嫉義謙必欲擊去之時輩多不知珥而獨潑字顓
尊信之時為流言稱義謙於今 上宅宗之時潛緣
宮禁希起復之望欲專擅權勢而義謙於今日無異
孤雛腐鼠置之一邊亦可若論劾則人情疑惑惹起
不靖之端矣何必無事中生事乎潑意不決乃見仁
弘賢其決仁弘議于字顓字顓止之曰恐惹爭端但
敗好意思也仁弘不聽欲并論澈字顓曰若論李涵
則大憲必不從而角立矣李涵決不可論也仁弘見

珥力勸論義謙珥不從曰義謙只以先后至親使不
失其祿則此於國家恩義有何不可而必欲論之于
仁弘慷慨不已欲棄官而歸潑見珥曰時輩不能深
信令公者恐牽情不捨義謙故也公絕此人則一時
士類皆信服公言而西邊善士漸可收用有保合之
勢且不論此人則德遠將棄官而歸豈不可惜乎珥
曰吾將思之珥謂渾曰無端論義謙甚非事宜但時
輩本疑珥黨西而鄭德遠以論此事不合棄去則時
輩必以此為赤幟顯然攻珥矣珥去之士流盡散則
國事尤敗矣今日之勢須從衆議渾歎曰不有景涵

誰立此論不有德遠誰決此論可謂平地起風波矣
宇顥謂珥曰論劾非宜若一劄論其人則何如珥曰
劄子須多言句今此事有何說而能陳列劄子乎宇
顥曰劄子勝於論啓矣珥意亦然之一日憲府齊會
仁弘欲論罷義謙珥曰上劄子論其為人如何仁弘
曰不如論之為明白正大也珥曰此事必須啓辭得
中若稍過激則必有蔓延之患且起後事當置疑信
之間不可入於啓辭中也僚意皆從之珥乃口占啓
辭曰青陽君曾以外戚久執國論貪權樂勢積失士
流之心近年以來朝論渙散不能保合者實此人所

致公議不平久而愈甚而迄未蒙見斥故好惡不明
人心疑惑請罷職以明好惡鎮定人心且謂仁弘曰
後日啓辭當依此說不可追增句語以起人惑仁弘
口諾而心不然憲府既發而明日諫院亦發弘文館
亦上劄請從公論 上不允翌日仁弘啓添以援附
士流等語 上問士流何人仁弘請議于同僚以啓
上曰既為啓辭則當自知之速為回啓仁弘遽對曰
所謂士流者沈義謙與尹斗壽根壽鄭澈等相與締
結窺覘形勢珥謂仁弘曰李涵介士也若以為締結
義謙窺覘形勢則冤枉極矣仁弘從之於是三司議

論紛然正言尹承勲斥珥以黨澈珥與執義南彥經
持平柳夢井啓曰鄭澈剛偏不能容物憤士論之過
激屢形辭色時輩亦不甚究澈之心事而抵斥過失
澈固不是而以為黨於義謙亦不得為公論矣彼承
勲有何識見不過承望士類風旨為趨赴之計耳兩
司請遞上峻批不允屢啓乃許遞特補承勲新昌
縣監珥引咎自陳曰承勲之言有如迎合時論故臣
性愚直率爾斥之殿下折之太過恐因此直言之
士有所囁嚅朴淳聞之歎曰如叔獻可作儒林宗匠
年少輩識見暗昧乃以不關事爭辨至此置國事於

度外可謂逐鹿而不見泰山也當仁弘之再啓也澈責珥曰豈料吾輩死於叔獻之手乎珥笑謝曰吾見事遲爲人所責然兄之責我不亦過乎癸未六月十三日 上欲議邊事命招兵曹堂上蓋其時北方藩胡尼湯介侵寇故也兵判李珥以病入卧内兵曹

上遣內醫省病退去調理三司劾以專擅權柄驕蹇慢上朴謹元宋應澆許筠合執助之珥連日辭職三公啓請出仕至十七日始肅拜啓曰臣負罪惶恐擅柄慢上人臣之一罪也大臣分䟽而猶不以臺諫之言為過當臣負此極罪而安本兵之地弭令將士傳

之四方必為駭恠請賜斥免 上慰喻之持平李景

鏖啓曰臣以城上所論珥時措語過當呂誨先見之

明竊議者多唐介訐直之罪臣實當之掌令成泳啓

曰臺言寧失過激不可柔懦景鏖別無所失並請出

仕 上從之珥啓曰臣若幸 上之優容偃然從政

則從前累疏只是固寵之計請舉臣罪咨詢左右如

以為可貫臣雖不安敢不黽勉隨行如以為實犯則

雖流放竄殛臣實甘心 荅曰在卿自處之道雖如

是予若詢于左右是未免一毫疑卿之心予豈可為

此大司諫宋應澂獻納柳永慶正言鄭淑男啓曰昨

見李珣啓辭拈出憲府所論數語至以大臣不為過
當為非又欲詢左右稱量輕重此實近古所未有之
事也 荅曰啓辭誤矣不須如是為之也掌令李徵
避嫌比珣王安石以臺諫比呂誨洪汝諄李景崧趙
仁復再啓成泳處置之事正言李澍請出宋應澆以
下應澆永慶叔男再辭曰自 上及以臣等之言為
誤在職尤為未安云大憲李暨請出執義以下只通
成泳兩司論啓珣請罷職副提學李德輿應教洪暹
校理金鎮許筭劄論比臺諫益甚二十日 上下手
教于大臣曰近因李珣言語間事臺諫相激爭辯至

於王堂上劄此珥於誤國小人此非發於偶然言語
間事也蓋以珥自前裁抑新進之士惡其趨時附黨
畧為陳論由是見忤於時論者久矣遂乘時俟釁必
欲劾去後已矣凡公卿大夫承召不來者多未聞有
以慢君論之者是何臺諫獨能直截於珥也其納馬
珥請募民納
馬以給戰士不稟亦不過許多事務未及取稟耳是
豈擅權哉夫擅權慢上人臣極罪人君於小民尚不
可以情外罪名輕加其身况宰相耶既曰擅權慢上
則何不明正其罪照以王法而乃敢請以罷職即如
乙巳奸臣輩目之以叛逆而罪之以罷斥者之為耶

豈可如此
說似有落
字

又曰卿等雖請珥留用而萬無出仕之理姑逋其職
以安其心何如當此北方邊報國家將亡之時賢邪
不辨何以為國乎予不勝痛心此則當隨後處置領
相朴淳極陳珥忠懇而此因銓曹用人多用同僚不
相可否今後論薦郎官及三司朝參用之 上曰郎
官薦法中所無欲罷之淳曰臣意誠然左相金貴榮
右相鄭芝行陳其不可罷之意 上窮問珥逋任與
否淳厲色曰豈可如此說左右相曰雖非小人多有
誤事又云若不信用珥則成渾亦不為用矣又歸罪
於銓郎甚重淳貴榮議珥姑逋任芝行議珥終不出

仕則當此多事之時不得不適然臣之所憂不但為
朝廷欲為珥保全令名 荅曰兵判可適李珥已陷
於誤國小人豈有所謂令名哉右相之議何其迂也
其心所在予殊未測嗟乎珥好歸鄉關高卧白雲誰
能羈縻乎副學權德輿等啓曰朋比分黨罔赦之罪
乘時俟釁莫大之惡也有一於此邦有常刑臣等知
有君父不知有宰相妄議論列自陷於小人 上曰
李珥既為小人論小人豈為小人如權德輿洪暹嘗
贊珥之忠直贊譽小人者未知為何如人之歸耶洪
暹斗筭固不足責德輿年老之人趨附新進得無羞

耻今乃自處以小人此非前後反復者耶庶孽通清
金瞻前於經筵啓之今若律之以變亂成憲則金瞻
為謀主李珣為隨從今乃以瞻為議珣哉兩司論珣
四五日停啓以沈守慶為兵判七月十五日成渾被
徵上疏白李珣之心事斥三司之誣罔 荅忠憤激
烈如使奸邪聞之足破其膽信乎君子一言為國輕
重仍 傳于大臣曰以予寡昧無識慵暗不敏不知
忠邪莫曉是非故頃日問于卿等乃敢為含糊之說
予固已知卿等之心而隨後處之為教矣今觀成渾
上疏大臣事君之道果如是乎當初李珣排擯惟為

朋奸之類耶辨別以啓領相朴淳詣榻前對以當初
不遘臺諫為非且曰宋應漑許葑與李珣有嫌不可
同叅其議而不避甚非矣金瞻出外言曰平心觀之
其劄意果似過情未知其意也 上曰何為此言左
相金貴榮曰似不出其口恐傳者誤耳 上曰李珣
果小人乎貴榮曰知人固難人有內邪而外善外和
而內惡珣之心術臣不能的知不可以小人目之亦
不可以君子譽之成渾欲探言根而罪之云然則雖
權奸當國能言者亦貽譏於後世淳以攻珣者比之
李芑而歸罪銓郎又云今日非西非東者亦有謗貴

榮曰近日東西說稍定而李珣辭免又成紛紛紛紛
幾定而成渾又成紛紛是皆亂也 上曰好矣 上
曰珣去乎曰去矣十六日教政院曰人君之所與為
國者大臣也故曰安危大臣在昨日予以不知忠邪
莫曉是非問諸大臣而左相憚於甲是乙非乃敢為
依阿苟容之態曾見大臣有如此者乎既在大臣之
位凡辨賢邪進退人物乃其任也若不知賢邪則是
不智也知而不直啓則是不忠其何以在具瞻之地
貴榮呈辭命遍大諫宋應泯請遍即適應泯是啓極
陳珣出髡與沈家相締結狀幾千言前是鄭熙績白

上曰李珣始為僧時議傳舉沈義謙解之厥後拔身
皆沈之力也如此狂悖之人何用之有洪迪言曰商
鞅因景監見李珣因沈見抑又何益 上曰李珣不
過誤國小人我不過為輕妄主汝等爭此能執尼湯
介乎兩司連啓不已特補應旣長興府使許錡昌原
府使副學金字宏校理鄭士偉丁允福修撰洪迪韓
孝純極論淳珣渾締結求解西人之意兩司請罷淳
曰本以斗筭之才濟以文墨小技用心回邪行已狡
瘡與義謙相為心腹珣渾亦是義謙之門客昵友故
淳共托死生相為表裡批旨屢示未安玉堂劄批有

曰領相為人松筠節操水月精神有忠勇之道清慎
之德八月王子師傳河洛疏論三司伸救淳珥渾三
人都承旨朴謹元以洛為偏黨上峻斥兩司啓以
謹元為直言 荅曰宋時六賊當朝李綱去國太學
生陳東等上疏極論之千載之下聞其風者尚不覺
投袂而起云云 荅政院曰欲塞人言掩蔽聰明耶
大抵公論之在世間如水之在地不必以臺諫而是
不必以芻蕘而非今茲臺諫之言人心不服義士奮
袂將四面而起爾等雖欲竭力彌縫不可得矣今日
仕進承旨朴謹元金榜甲李元翼並許適成均儒生

柳拱辰等疏言珥渾之賢

荅曰予寡昧叨守鴻業

知不足以卞賢邪才不足以治國家使朝廷不靖是非混淆責在於予夫復何言今觀疏辭忠謹激烈爾等意氣如此吾何憂國事湖南儒生等疏曰柳拱辰等盡為宋應旼任韓戴所傳舉云上令鞫治戴儒生申礪上疏極言三司奸慝狀且指洪渾禹性傳金應男朴謹元金瞻金晬洪暹倡為邪說 荅曰觀爾上疏誠極忠款直哉若人今士氣如此實由祖宗培養之渾朝廷邊鄙固無當憂爾第申礪盡忠報國身在邊疆虜不敢近有古良將之風爾又奮不顧身抗

疏斥邪有此奇節是何爾一家并生忠義為國効誠
若此也予用嘉焉特旨洪汝諄為昌平縣監洪暹為
龍潭縣監金瞻為知禮縣監右相鄭芝衍遣司錄啓
以朴淳被論事申救 荅曰領相為人予豈不知芝
衍病重 上命舉所知自代對曰李山海早有公輔
之望大可用云招正二品以上引見于宣政殿教以
朝著不靖全由於沈金兩人之致欲遠竄何如左右
以為當初分黨雖由於此兩人今皆外補沈拜金州府尹金補
安不與干朝政不必罪之又教曰朴謹元宋應漑許
筠予知其奸遠竄何如左右以為如此之人雖有過

越之言不可以言獲罪鄭澈曰此人等不可不明示
其罪乃命竄應漑于會寧謹元江界對鍾城 上以
鍾城方被兵移甲山又特補李漑長興府使朴承任
慶源府使金應男濟州牧使謹元等竄時以御筆親
撰教書曰愼人在位朝著不靖司寇失刑國是靡定
爰舉流放之典永為來世之鑑朴謹元等以愼邪之
性挾斗筭之咒締結浮薄之徒作為朋私之黨亘為
汲引盤居要津或塵喉舌之司或冒臺諫之官張皇
聲氣簧鼓邪說擅弄權衡制朝廷傾陷大臣排擯
忠賢朋比之跡已彰尚稱公論挾憾之態已露自謂

貞方事皆罔赦言實誕誣忠良屈抑惡且極於濁亂
羣小得志罪難追於誤國遠近咸知朝野共憤尚忍
肆市之誅薄施惟輕之典九月修撰金弘敏在鄉辭
職仍陳珥失誤之事 答曰觀此疏只是騰傳三司

啓辭弘敏亦即僚中黨私無足恠也至於以珥為黨
者以此說動予意噫君子不患其為黨而患其黨之
小也予欲法朱熹之說願入於珥渾之黨也自今以
後爾輩以予為珥渾之黨可也若譴珥渾者則必罪
無赦儒生朴濟上疏極論時事金孝元金應男徐仁
元洪暹宋應溉許筠朴承任朴謹元洪汝諄洪渾禹

性傳金瞻鄭熙績李景崧李徽金字宏李山海李溉
等陰凶之狀且言字宏雖似良善以其兄故未免誤
入云時特拜珥為吏判諫院連啓極言東西角立之
源且言禮判鄭澈交搆生禍無所忌憚前後儒疏皆
承其風旨請澈罷職 答曰諫院必為人所欺則予
知此論之意矣是不過欲去鄭澈而并及一二前臺
諫使予見之認為和平之論不疑之耳如兩李者何
足論也不過以無識撓尾之人得除言官為邪黨之
先鋒今此輩情狀敗露伎倆盡露欲歸罪於兩李圖
為自脫其謀可哀也實如啓辭當初只欲駁正其事

初非攻擊之意城上所自以已見添入慢擅等語則其時三司有何所難而不為駁正通差反肆邪說無所不至必欲賊害忠良而已耶平日旁伺猜然之心未嘗一日忘于懷第未得其極耳一朝見李珣之小失挾彈睥睨之徒雀躍而起自以為時哉時哉不可復得於是邪說充塞四面圍合小人之謀可謂巧且慘矣而其實誠愚也況其時憲府啓辭亦有此等之說其與景嶠別無異同云云而今此啓辭乃曰以已意添入云者是何言耶然此人既倚邪黨依啓罷職至於鄭澈之為人其心也正其行也方惟其性也直

故不容於世見憎於人耳若其當職盡瘁清忠節義
草木亦知其名矣真所謂鵷班之一鶚殿上之猛虎
也頃於引對之日謹言斥邪予固知今日得此謫故
即回諭於澈果然矣若罪鄭澈是朱雲可斬也爲今
之計莫若勿擯鄭澈勿舉東西勿言已往則可求鎮
定而自當固於和平之域不然則前輩之覆恐移轍
於後也領相朴淳三度呈辭優批不許乙酉八月丙
司論沈義謙植黨朋比移禍士林而外而朝廷政令
內而宮壺舉措無不指揮方居父喪規爲起復假稱
內旨毒殺妻弟請罷職 荅曰處一人之是非初非

難事而緣茲朝政紛拿十年不決異哉前古未有也
至於加罪則不穩於是兩司啓以義謙與朴淳李珥
朴應男金繼輝尹斗壽根壽朴漸李海壽辛應時等
結為死生之友權勢相倚濁亂朝廷覘視形勢云又
曰成渾亦受其籠絡云云其時大憲李拭執義李由
仁掌令韓顥洪仁恕持平李時彥沈岱司諫李養中
獻納鄭弘男正言趙仁得宋言慎大諫李潑在外未
及來及入京啓曰頃日本院論義謙之罪自上下
問其交結之人則宜歷數無遺而判書洪聖民副學
具鳳齡是皆義謙之親友獨不歷數非事君之道也

生負李貴海州生負趙光鉉等上疏皆為珥渾頌寃
丙戌十一月公州教授趙憲上疏極陳珥渾學術之
正忠國之誠又亦時人防賢誤國累萬言 上留中
數旬不下憲又上疏極論 荅曰因求言陳疏之誠
良用可嘉憲又疏論宋應溉葬其父母之時用隧道
僭用天子之禮丁亥三月貴光鉉又上累萬言 上
問曰浮躁好事之徒爭起而附會之出入義謙之門
曉夕相逐奴顏婢膝之輩迎降而鎖入者不為不多
又曰前附義謙之徒一時納款於東人倒戈以及義
謙者指何人也貴啓曰亡師李珥平生赤心憂國一

忤時輩橫議百出若使珥之心事小為發明臣雖萬
被誅戮不避所謂浮燥好事者白惟讓盧植宋言慎
李好閔盧稷若歷陳則宣止於此數乎趨附義謙而
反攻者朴謹元宋應溉尹穀中此輩不足道又有相
識而非珥之比者李山海也以識義謙為罪則何不
攻山海而攻珥也徒以不忤於時輩故也山海自少
故舊而無一言救珥此臣等大憾也山海贈義謙詩
曰洛北春來重見札山蹊夜黑慣相逢此果不識義
謙乎此所謂曉夕相逐者也所謂奴顏婢膝者鄭熙
績也戊子正月前縣監趙憲疏論盧守慎鄭惟吉柳

洪李山海權克禮金應南黨比病國且論朴淳鄭澈
之賢見棄遐荒又論宋翼弼徐起等俱為將帥才
上命焚其䟽教之曰人妖也

李珣島米獄

宣廟戊寅士類中分謂前輩為西謂後輩為東一時
進取者見東人甚盛咸皆趨附之扼腕奮臂曰東是
西非金繼輝雖號西人亦為年少輩所重故每事不
能不稟承於繼輝時尹晁與金誠一同作銓郎議論
矛盾遂成嫌隙而晁之叔父斗壽根壽皆在要津每
為扶西之論東人甚嫉之欲劾斗壽問於繼輝止之

日當今士論橫潰不可以為國務在鎮定保合不可
攻擊年少輩以此不快於繼輝時務安縣監金應楨
以賂權貴被罪朝廷方以貪贓為戒而東人欲乘其
時擊去斗壽三父子而難其名矣一日金誠一於經
席仍論貪污啓曰金應楨雖被贓罪而厥後亦有載
米行賂於權貴者貪風未易戢矣 上遽問曰是何
人曰珍島郡守李銖也銖乃斗壽姨弟蓋欲回此以
及斗壽等也臺官請鞫銖許曄以副提學方為年少
輩倡導劄論臺諫只論與者不劾受者之罪非直截
之義臺諫始舉三尹名以為受者繼輝為大諫在外

聞誠一等所為甚不是曰士類處事當十分明白豈
可以曖昧之事遽起大獄乎及還朝乃啓曰尹斗壽
等或以學行或以才器皆以良士并被擢用久在銓
曹臧否人物仇敵滿國今其受賂安知非陰中者之
所造言也於是年少輩羣起而咆哮指為亡國之言
王堂劾遞繼輝李山海為大司諫而大憲朴大立持
論尤勁掌令李滌袖出彈文毛舉三尹家隱隱醜詆
無所不至自 上既以東人攻西為不公而又疑繼
輝之黨西黜為全羅監司時瓮津縣令李信老有所
贈遺於判書尹鉉生負鄭汝忠偶言其事少輩誤認

以鉉為覲即啓請鞫問信老以受者則無指的之人
泛指朝貴而及於右相盧守慎而以大臣不敢發論
者以為東人名為糾摘貪污而實欲罪三尹也不然
何故李銖之獄期於必成而李信老之獄鞫之不詳
也少輩既病其言又恐獄事不成則反為西人所中
鉤問無所不至聞李銖之米接置于市人張世良家
乃託他事捕繫因移囚禁府而又不可獨窮治銖獄
故逮信老干證人鄭汝忠刑訊極其慘毒汝忠幾死
物情尤不平皆曰今日東人之嚴法刻刑無異金安
老云憲府不得已請放汝忠而信老之獄終不成焉

珍島郵吏舊嘗怨銖者揚言曰我若入獄則獄事即
成憲府聞之即啓囚其吏即納招曰李銖載百石米
接置于張世良家因分送于三尹家云而世良終不
服上以郵吏已服故乃從兩司啓盡罷三尹繼輝
既大忤東人人皆尤之繼輝曰我既失時輩之心時
輩必不容我而我亦不忍為其所用矣我之銘旌書
以大司憲足矣銖獄久不成世良受刑二十餘次而
殆死或謂之曰汝罪不重若告以接置則免死矣何
苦忍杖至此乎荅曰我豈不知不服則死誣服則生
乎但實無是事安可自貪其生而陷人於死地乎時

銖及世良獄中訴寃之書皆不許 上聞判義禁鄭
惟吉語人曰世良罪輕之人乃刑二十餘次期以輸
情此非法例我欲啓達畏時議不敢耳且世良若非
義士決是愚人也何故為李銖殺身乎 上疑銖獄
不實問于三公將釋之政院爭之至四 上怒命罷
入直承旨金字宏宋應溉而盡適都承旨李山海等
時 天怒大震闕中驚動明日兩司王堂爭不能得
三公亦力為承旨言之而亦不從銖及世良乃得釋
仍特叙三尹蓋李山海宋應溉等及三司并爭之鄭
澈時以大司諫立異於是李杅洪渾鄭熙績等移怒

於繼輝澈投䟽指斥目之以邪黨

李元翼初入臺以簋簋不修彈尹斗壽後元翼因公
事往謁斗壽無幾微色留與語曰貧族之遭喪行昏
者皆責具於我為副其需凡有餽遺不得不領受臺
啓之發理所宜然吾何介意酬酢良久言皆由中適
有鄉族書乞昏需斗壽命侍婢曰曩日譯官某有所
餉足段爾其取來婢入而復還曰本無是矣斗壽笑
曰婦人輩以公在座欲諱之耳促令取出全封畀之
畧不動色元翼服其偉量終身敬重

已丑獄事

修撰鄭汝立世居全州南門外父希曾夢鄭仲夫而
娠及娩亦如之希曾不悅及齠髫嬉劉雀雛自哺至
趾希曾詰之一兒告某氏所為希曾怒叱之汝立暗
伺兒父母往杵插刃於腹兒流血死其父母還頓足
會隣人詰其由汝立色不動出謂曰吾所為也人咸
驚恠希曾知縣汝立年十五六歲擅斷縣務吏畏之
惟其令及登第不仕歸鄉從李珥成渾論學珥渾病
其氣麤而取其讀書嘗稱誦珥薦於經席以博學有
才以是名重朝野從學者衆稱曰竹島先生性凶悖
兄弟不相容親戚作仇讐隣有士族女饒財而寡使

盜接於女戶下汝立言于官收其奴婢女家虛無人
汝立乘夜強奸為妾人憚其氣魄言議莫敢言其非
汝立每曰資治通鑑以魏紀年是司馬直筆而朱子
非之大賢所見非後生敢知也天下公物豈有定主
又曰不事二君王蠲一時臨死之言非聖賢通論也
柳下惠曰何事非君此非聖之和者乎門人趙惟直
辛汝成等誣張其言文官李廷鸞汝立戚第而金大
立其妻族斥汝立以不吉之人不相從叅奉白光勲
寓京汝立見其子振南年少英明請留學光勲辭之
羅州人吳希吉初往學見其心術即謝絕武人白光

彥有勇力汝立屢請見不往每除拜汝立喉臺諫駁
之汝立博通雜術知有壬辰亂欲乘時猝起與隣邑
武士及公私賤人作大同契每月十五日齊會射候
供具則自其家辦故汝立飛簡列邑送各物如恐不
及丁亥倭變全州府尹南彥經請汝立計事一踰令
軍士齊會無敢後者皆是大同契武士也賊退令曰
他日有變各一時來到彥經嘆曰鄭公不但學問其
才亦難及也及求為黃海都事始疑之自國初民間
言鷄龍山新基乃鄭氏所都云汝立變名為八龍與
海州人池涵斗僧義行道沿雪清寺歷覽九月諸山

至新基題詩一廢菴曰客遊南國遍鷄岳眼偏明躍
馬驚鞭勢回龍顧祖形葱葱佳氣積鬱鬱瑞雲生戊
巳開亨運何難致太平涵斗稍解文字自為處士本
名景涵居京滛奸至親逃禍者捧汝立簡干謁守令
李洸為湖南伯點兵於順天喚仙亭通刺不得黃冠
道服策短驢而過被官人拿上汝立札洸迎之待以
方外士涵斗獻詩曰僻居海東經傳纔通那知今日
犯我相公涵斗嘗往文希凱家題云窘中豆粥光猶
記何況今朝酒一壺其詩意不可曉凡所遇人以其
手筆書其姓名年紀居住名以不忘錄後奸綾城官

婢行介留連婢潛取糊壁云義行雲峰民產自稱遼
東人曰在遼時望東國王氣到漢陽則在湖南到湖
南則全州南門外也先是有木子亡真邑興之謠汝
立刻其謠王版令衍僧置智異山石窟行與雪清等
托遊賞往得王版而進時安岳人邊宗福朴延齡在
坐汝立戒秘藏海西人益信之有童謠曰桑生馬鬣
家主為王汝立與衍鋸局後園桑木填以馬鬣日久
皮合招人見之戒勿言民間盛傳金溝鄭修撰家
金溝有桑鬣之祥先是天安私奴吉三峰勇力絕倫超
越人家日行三四百里為獮賊逃匿時柄臣陷於凶

彩居

徒術中以鹿屯島屯田海西蘆田徙民王非子孫推
刷國人大叛思亂汝立深幸售凶計令衍等倡言海
西曰南方異人若得志汝等無賦役又曰吉三峰三
山兄弟領神兵入鷄龍山或智異山遠望人馬無數
近見只有人蹤馬跡於是訛言吉三峰為王或云鄭
八龍為王汝立母曰智異山有神人吾常稟事問之
曰吉三峰運齡等益信之崇福有勇力或名溪或名
白昇武人宋侃是金大立戚侄有才畧汝立屢請之
侃恐被害往見汝立與池處士權生負及僧四五人
通內外同處侃大驚歸語大立曰叔之絕不為過矣

汝立堦李震吉以翰林還鄉見其所為欲上變未及
告汝立見事機頗泄決計作變陰部署約束期以是
年冬末一時舉兵直犯京都先是李山甫適海伯來
上問道內風俗山甫曰海西人怨國日深不久必反
至是九月山僧義嚴訶其狀密言載寧郡守朴忠侃
忠侃遲疑未發會安岳校生趙球常稱汝立弟子聚
徒飲醵蹤跡異常郡守李軸捕問球告以實軸邀忠
侃議以信川郡守韓應寅名士可取信朝廷乃以球
詣信川聯名報于監司韓準以啓己丑十月十二日
夜半入京上大驚命招三公以下先問右相鄭彥

信曰鄭汝立何如人彥信極口稱譽次問領相柳埏
左相李山海對曰雖博學多才其心所在未可知也
柳成龍以下皆對不知上手擲其狀床下曰讀書
人所為乃若是乎使承旨讀之左右縮頸汗背惟彥
信哂曰鄭汝立豈如是李震吉以檢閱在前即命拿
囚分遣禁府都事柳湛等搜捕諸賊彥信於公座謂
湛曰鄭修撰萬無反理汝勿驚動從容陪來以此湛
進去遲迨崇福聞球告變自海西四日半至汝立家
汝立與其子王男及崇福迨齡少子春龍脫身逃躲
隱匿于鎮安竹島令春龍丐食村人知汝立來輒與

飯累日尋其蹤跡汝立等藏身於場邊積藁中遂告
官邑宰閔仁伯領軍馳圍汝立勢窮扶劍欲亂斫軍
人崇福曰吾輩自決而已彼軍人奚罪汝先刺我袒
背受之汝立刺之又刺王男春龍終以劍接腹而伏
聲如牛吼劍透腹數寸死王男春龍年幼畏怖刺時
小避故得不死王男年十七神彩俊秀重瞳子兩肩
有痣如日月狀汝立萌逆心恃此子云拿王男春龍
上親問往來人王男供曰謀主吉三峰往來者韓璟
宋侃趙惟真辛汝成及海西金世謙朴延齡李箕李
光秀朴棧朴文長邊崇福池涵斗僧義衍等捕光秀

等皆伏誅侃憬惟直汝成不服而死涵斗供曰臣拳
扣磐石四散如雷云并磔汝立崇福寺尸震吉抵汝
立書曰有主昏日甚之語斷以逆律雖不服而死人
皆為逆時前貧成鄭澈在高陽聞變入來人有勸勿
入澈曰逆賊謀害君父義不可不赴上獎以忠節
是時李山海鄭彥信等秉白李澈白惟讓等主論惟
讓子振民聚其徒十餘人謀曰海西守令西人居半
又多李珥弟子必此輩誣告也鄭修撰朝夕入來吾
輩當抗章訟寃以柳永謹擬疏頭彥信欲鞫告者又
欲請監司章甫密啓推考於是湖南生負梁千頃疏

請治彥信澈惟讓等交親逆賊盤問不實之罪上
嘉納拜澈右相為委官澈素為東人所嫉遂巡辭避
成渾勸起曰國事甚重奚顧後患澈乃出湖南進士
丁巖壽等五十餘人又疏言山海彥信等誤國護逆
之狀又言韓孝舜李廷直鄭介清柳宗知柳永立柳
成龍李陽元尹教中尹卓然金應南宋彥慎南彥經
李彥吉曹大中李弘老李純仁柳夢井金弘徵等之
罪洪汝諄無君不道之罪言語張皇上怒曰汝等
如是詳知何不早來上變命推鞫臺諫崔湜成詠沈
喜壽尹暹申礪禹俊民李增吳億齡白惟咸俞大進

姜燦李洽屢啓申救不從儒生崔起南等又力救

上荅曰予二十年忝位待儒生未嘗以惡言加之今
僂辱於桁楊之下使章甫之士與獄吏相對此豈予
意哉今觀此疏良用嘉焉當為爾等從之判府事黃
廷彥劄曰逆賊鄭汝立生出從班人情憤鬱草野多
士上章論事語激而無倫政在草野非國家義事且
如朴淳面斥汝立以此不容遯荒屢空而卒請依張
曲江故事賜祭以慰之上嘉納時親鞫汝立侄緝
諸賊之招皆犯上不道問事卽李恒福洪履祥等以
口不忍言書達鄭約衍僧四賊之招又連累許多搢

紳為同謀獄事波漫激不能鎮定貽書渾曰兄不可
不上來年少輩積憤之餘論議日激四賊之口將累
搢紳吾力甚單難以動天也渾上來疏曰汝立十年
前訪臣至三四講問書尺臣皆酬酢今聞有一通書
而鮮職者臣則抑又甚焉者也軍資正金千鎰疏言
賊招及於搢紳恐有誣告之怨其中與汝立作讐者
辭連滯獄時上怒方震留中不下趙憲嘗言汝立
必為逆及誅憲自謫還諸士大夫問其由憲曰汝立
於榻前有不好底辭氣上曰汝立多氣不合近侍
熟視久之汝立殊無惶懼之色及退沒階瞪目回視

而出此非逆賊乎先是汝立事李珣後諂附李潑

上曰汝立今之邢恕一日上問曰汝立凶逆無一

人知者知人之難固如是矣成龍曰雖有知者而汝立張甚言其過則大禍立至故不敢言上問為誰

對曰臣亡友李敬仲洞知其情狀重駁之臺諫反駁

敬仲終身沉滯而死矣上問臺諫誰也對曰臣忘

未記考史草可知矣命史官查出掌令鄭仁弘持平

朴光玉也削職傳曰故執義李敬仲先見之明不下

古人贈判書賜諡仍臺言贈叅判致祭初宣傳官李

用瀾往探逆家文書彥信密令滅去其書李以武夫

只去彥信二字所謂宗老信族老信等札取入內梁
千會疏入彥信欲陳辨長子協謂不可諱從小子慄
言以不通書札上疏自辨上嚴教曰其謂予無目
耶今下封書十九張此誰人書札乎身為大官乃取
面瞞如此予不勝痛憤府啓鄭彥智金字顛白惟讓
或以交友或以連姻與逆賊俱有相厚之分不可仍
在朝列鄭彥信曾與逆賊通書訊問非止一再乃敢
飾詐自辨請命罷斥未幾彥信彥智兄弟俱拿囚及
澈為妄官彥信在獄兩手攢祝曰右相出仕吾屬生
矣上親鞫山海亦入侍鄭緝招引彥信彥智澈洁

惟讓洪宗祿等將為內應云鞠彥信以下彥智供辭
誣罔 上盛怒大憲崔滉啓曰臣是法官只知奉法
彥智不可饒貸澈曰天下寧有兩汝立乎以書札問
事遽加刑戮非 聖上義事且彥智無知識老妄失
對不足深責 上怒稍解除刑遠配彥信中道付處
備忘記曰鄭彥信欲斬告者之說朝廷無一言者今
因全州儒生梁訶疏知之彥信身為大官敢肆欺罔
其兄彥智效之二人者心已無君矣澈啓曰此說臣
未及親聽而聞之亦熟朝廷無言之罪臣實首犯
上問推鞠諸臣金貴榮以為左耳偏聾不得聞之李

準以為坐處稍遠不得聞李山海以日久不能記而
海伯狀啓回啓時彥信之說似發矣俞泓洪聖民皆
曰聞之聖民時以大憲又力言其親見正言黃慎啓
曰推鞠之時邪議橫生苟非洪聖民俞泓抗言力排
則未知國事終何如也又斥山海輩推托不聞上
特出慎高山宰時山海曰緣固寵故黃許皆以語觸
山海忤旨而上又疑其希澈意故於山海呈辭
答曰百計圖卿之態予已知之矣卿去則他相不能
自全是豈義事速出行公則多有好事不然則必有
悔之者矣批辭中他相及悔之云者皆指澈也及彥

信賜死命下山海成龍相顧失色不敢出一言澈獨
啓曰宋朝未嘗殺一大臣我朝除反逆外未嘗殺一
大臣仁厚之風無異趙宋今宜遵之 上不聽曰宋
朝亦有無狀大臣如彥信者乎澈欲再啓力救山海
成龍不從成龍則曰宋朝有盧多遜玄澈與聖民商
議獨啓乃減死移配崔滉等請更鞫彥信而措語歇
後 上曰不敢知卿等之論不獲已耶欲已而不能
已耶以數字為塞責之計奄奄如屬纊之氣者果何
故耶以為彥信無可數之罪耶或慮其不能活耶已
與大臣議斷其罪卿等勿憂其或死也噫古之諍臣

其古如霜雪今之諍臣何如是萎蕤耶昔者張禹欺
君朱雲願借斬馬劍秦檜講和胡銓請開橐街此二
賊者未嘗不是大臣而兩人者初非有言責之任者
也特出於不堪其憤激欲伸大義於天下耳今彥信
得罪宗社背國之賊也論以王法合懸北闕第貸其
死者只緣大臣之志不可不慰大臣之懇不可不副
非以彥信為可恕也為臺諫者是宜極言竭論使旁
觀者髮皆上指凜凜然鋒不可當然後人主優假示
以寬典方為得體亦可以折後日奸臣之心也今卿
等章疏恐不為鄰國所印予實耻之不但傳書於四

方後無以見雲銓深恐老奸偃卧獄中鼓腹而竊笑也予非欲加彥信之罪而有此說也為士氣而惜也為後世而惜也初李洁以舍人率眷上京路由金溝鍾鼎院汝立出餞以酒書盤面以示洁失色登馬快走帶弓矢追者十餘人洁馳見縣令得五十餘人護行至車峴乃止作書于其兄潑潑即至全州參禮驛聞變倍道至京未幾兄弟俱拿囚李廷鸞同囚潑曰此賊人所易知而吾獨不知君有佩刀乎欲扶吾目又曰君與賊仇讐縱無死理吾則死有餘罪幸蒙寬典豈復為偏黨乎廷鸞果放而潑賴澈伸救配北道

遇安敏學謂曰歸語李涵字澈吾負李涵多矣李涵不

負吾何面目見他日地下失聲痛哭才到配又出宣

弘福招更鞫與兄汲杖斃澈在獄曰吾不用趙憲之

言至此以血書裾曰妄交逆賊禍及老母南望痛哭

地黑天蒼憲嘗戒澈不絕汝立云洁未加刑澈謂山

海成龍曰景涵字澈屢出賊招而洁未可救活耶成龍

不荅山海起出澈獨啓上震怒曰此鄭澈所為山

海必不如是即命加刑死杖下其母尹氏及諸孫皆

被囚尹氏時年八十稚子七歲名命鐵上欲鞫則

澈引法論啓拘囚獄中尹氏出入鞫庭澈痛禁獄卒

令女醫扶持命鐵當壓膝澈皺眉不忍見一二度揮
扇止之及成龍為委官羅將驅迫尹氏而略不呵禁
至加壓膝尹氏倡子既與賊親厚其死固宜老身何知
遂死命鐵壓膝八九度李陽元崔興源繼為推官
上責命鐵不即死陽元等憫之使羅將折其項而死
澈活為汝立腹心汝立數往其家置內房稱鄭生負
有徐迂厚往澈家問其僕曰京居鄭進士推奴歷宿
迂厚曰金溝鄭修撰豈不知以此多親之澈洁兄弟
嘗遊山寺還壁書悽涼承旨宅寂寞舍人家句數日
墨跡自沫澈兄弟四人卜者宋祥以爇為吉其他極

凶後漫無成而天潑洁為名士及蔭官至是人服其
言南平有童謠曰南平宰相潑洁蓋輟之之謂也果
驗潑文學聲名為一時領袖推許李珣成渾後忽作
邪論宗主列數兩賢書名天府久在銓曹人多怨之
再鞫體無完膚端拱奏對不錯白惟讓與汝立書多
不道語 上下于鞫廳親抹其如此人小無人君之
量八字及猜忌狠愎四字墨淡之故人皆見之澈伸
救曰書札加戮恐非美事乃刑配又出弘福之招杖
死子振民臨鞫曰父所不知子何知之有罪無罪證
在蒼天覆巢之下郊豈獨全殞杖下惟讓從弟惟成

仁傑之子時當路揚揚不救其兄後惟咸累年繫獄
人謂有天道 上命斷惟讓逆律澈曰經幄間出一
汝立已是不幸惟讓雖無狀豈復為汝立乎 上怒
連澈委官曹大中以都事巡到寶城聞變終夜涕泣
郡人鄭僑語其事於柳潑等監司洪汝諄招寶城座
首宣迂進貢生林吉雲官婢論介問之皆曰為賊則
未可知而涕泣則有之及南儒疏上正言黃慎謂同
僚曰不可以不察真偽而徑論及慎連而諸臺以涕
泣行素論拿鞠大中呈省坐詩曰地下若從比干去
孤魂含笑不須悲判府事崔滉欲進奏委官沈守慶

挽曰臨死亂言不可取信大中杖死後滉以其詩上達以為怨上拿大中子婿弟侄論以逆律澈議曰大中以陰邪險妄之人事李滌白惟讓附會邪說恒言李珣成渾可殺遂得注書薦又與逆賊交結涕泣行素發於公論今觀其詩怨懟君父然比諸伏誅之逆有間斷以次律則得中矣上不從更鞫其妻妾澈再三獻議爭之皆得免鄭介清嘗作排節義論寄汝立書有當世見道高明惟兄一人及丁巖壽疏斥其徒裴冀等頌冤臺諫以與賊親厚排節義二事論啓鞫介清供曰臣為校正即時與賊數日同坐相見而

已上下介清與汝立書曰絕無相通之說近於欺
罔乎命詞臣將介清著論逐條攻辨檄示列邑介清
刑配會寶城金用男金山重與古阜郡守丁焰議告
羅州林地松廣僧性熙與吉三峯謀起兵於是僧徒
庶民五十餘人就囚焰妄用男山重之妹也恐獄事
不實反坐行賂獄卒誘性熙誣服熙不援引諸人皆
放熙文書中有秘記與汝立所藏同供云往汝立家
膳來其時二客在座一則前谷城縣監鄭介清時介
清已死于謫介清本名維清世為羅州鄉吏其父移
務安守沈義謙農舍介清棄妻為僧以風水周遊嘗

留寶城金錫男墓舍長髮錫男欲妻以妾女其侄津
曰介清有本妻不可許介清以本妻失行訴監司津
又沮曰欲娶他女而誣本妻其心叵測決不可許介
清交嫁安門婢銀伊安門與奇大升為戚使往拜大
升拒之曰容貌不可近也介清慚憤仍沈義謙洪仁
慶求見朴淳受學淳愛如子弟使教其婿李希幹及
子姪薦為齋郎及淳失勢反附時議李滌等極力吹
嘘時往淳家致款欲掩跡人或言之淳怒曰介清豈
如是後謁淳於白雲山云自務安本家來淳女希幹
妻令婢問其僕曰留京廿餘日聞谷城縣監有窠吏

曹判書約以除授故昨午往判書宅昏時歸矣判書
李山海也淳聞之曰介清微賤不附勢何以立身乎
金長生嘗同為祭官問曰尊兄久從思菴思義極重
所學幾何介清曰其家多書冊往來借覽矣以此澈
嘗憤然其排節義推問也介清曰此朱子說澈厲聲
曰朱子朱子汝何知朱子朱子亦於其師背恩忘德
乎介清垂頭無言澈每曰介清未反之汝立先是賊
招有吉三峯在智異山下年可五六十面瘦體長髯
長過腹訛言指崔永慶將發啓正言黃慎止之司諫
柳根從其言最後獄事大起永慶被囚蓋晉州品官

鄭弘祚言于判官洪廷瑞曰吉三峰是崔永慶別號
轉相告語金克寬汝立妻族亦以是言于濟源察訪
趙應麒告監司洪汝諄馳啓被囚 上教曰三峰必
有其人未能物色如邊溪在東萊則曰白昇若以邊
溪為白昇則無從尋捕三峰之說何以異此又教曰
予偶閱地畧見居昌縣踰亦曰三峰而有全八及八
顧兄弟通書于逆魁者實居居昌拿來證問成渾聞
永慶被逮貽書澈以永慶孝悌清修力救澈啓曰永
慶獄了無端緒可尋聞渠尚氣節以孝友著名萬無
逆謀同叅之理臣與永慶素昧特以所聞仰達永慶

供曰平生無一見惡於人惟與成渾絕交至於逆賊
則暫相識自某年以後絕不通書意氣自若 上下
汝立抵永慶書某年以後者有約會頭流之語教曰
何欺罔也永慶惶惑喪氣曰老病昏忘不省有此書
上又下一詩曰此詩在永慶篋中極為凶慘推問以
啓永慶初善李珣成渾後信汝立誣毀珣渾乃謂澈
當斬汝立贈詩云牛溪一夜風生帝仙李根撓有髮
僧永慶不知所對但曰臣素不解作詩友人李魯者
以人傳說書示置篋矣澈啓曰魯聞此詩昔年鍾樓
上匿名詩渠不能詩人皆知之 上意稍解曰明是

渠所作然姑停刑未幾放送傳曰永慶身居林下自
以為處士連通權貴遂執朝權以其弟目不知書者
為臨民之官求見朝報如恐不及處士果如是乎又
曰天網恢恢渠固難逃永慶文書中有梁山所送青
魚八十編咸安所送七十編安骨浦萬戶所送五百
編永慶答以其地奴子所送人皆言咸安則郡守權
用中而其他官物所送云執義宋象賢等請遠竄獻
納具歲請再鞫依允澈見通報大驚書責大憲尹斗
壽曰何不令老夫知之與成龍約同救未幾永慶病
死獄中澈嘗於省坐指永慶曰彼漢斫吾頭如此以

手劃其頸大笑成龍曰此非戲談之地澈曰人言而
見為謹慎君子季涵為虛妄君子其為君子則一也
顧謂山海曰此言非戲言他日以余為搆殺永慶之
時為口實也成龍微笑山海默然永慶平日大言曰
朴淳鄭澈梟示然後國事可為云澈言如此永慶在
獄貽書嶺南知舊極言鄭澈力救鄭仁弘裂其書投
火永慶不學不能善居鄉云傳曰領府事盧守慎於
甲申冬薦進金字顥李滌白惟讓鄭汝立無非奸賊
之輩安有如此大臣乎洪聖民李山甫等啓削職傳
曰金字顥為汝立心腹觀其情狀有同鼠子予明知

其反覆小人不勝痛心六鎮定配柳夢井為逆賊搆
書齋前叅奉尹起莘締結逆賊並拿問申湜以汝立
門生被逮 上下一張書名湜者湜曰南平有鄭湜
上又下具姓名書湜不能對澈見湜微哂曰名士亦
欺君乎加刑一次金憑有眼疾風寒則涕不能禁汝
立磔尸時泣寒屢以巾拭淚見者以為賊泣杖斃李
黃鍾汝立文書中有黃鍾書黃鍾聞告變以為士林
之禍杖死韓百謙為李震吉故舊百謙以為震吉不
服而死為朋友者不可不見親往收斂刑訊汝立家
有祭天文七張列數君上語極凶慘故凡干連逆獄

申字
似誤

者皆罪之數十年前南師古言戊子己丑年間湖南
居曾經侍從鄭姓火馬生人謀逆事覺搢紳多有連
累者汝立丙申生也已丑春鄭碯謂人曰今冬國必
有大變其言皆驗是時西人自甲申以後為東人所
攻不容於朝者凡五六年至是無識者倡言曰某乃
某族某是逆類以此名為東人則勿論朝士儒生舉
有疑懼之心士子中惟李貴申應槩吳允謙辛慶晉
鄭曄成文濬崔起南李廷龜等十餘人持論公平貴
曰逆賊出東人治獄專委西人松江雖有清操力量
不能鎮靜此西人無窮之禍與慶晉往謂澈曰設使

大監處事十分無欠自東人觀之必不滿意澈曰政
如吾意敢不盡力後澈語貴曰君言極是此輩非吾
所可鎮定也嗟咄久之時館學以白振民營救逆賊
罪之貴曰汝立假托名儒厚誣一世何以知為逆乎
柳永謹其時在安山罪之不亦寃乎李甬瞻李昌後
以掌議不出回文事將不測貴見翰林具寃營救解
罰梁千頃姜海鄭大成等留于宋甬昌空家大成是
永慶之戚聞吉三峰語曰寃是吾崔司畜叔氏容顏
也貴大言絕之後貴為成龍召募官成龍曰松江殺
崔永慶事甚寃也貴曰小人所聞異於此小人其時

在牛溪門下一日松江大醉來到牛溪迎謂曰大監
身受重任獄事甚艱奈何醉似泥松江曰吾見小人
故故為沉醉以洩其憤耳鄭彥信賜死回啓成龍諉
托於我今此永慶渠橋已黨而欲偕救啓則假病呈
單其為情狀如見肺腑矣成龍笑曰其時吾適有病
耳○鄭仁弘世居陝川其父為本郡座首一日海印
寺僧夢仁弘家火氣徹天伽椰山帝豹豺狼熊豕之
屬無數入於其家覺而恠之往問其家於是夜生子
即仁弘也壬寅徵為大司憲歸來菴上來行公京裏
有詩曰鳥獸草木皆知名卿今上來蒼生福入城三

日兩司空不福蒼生福朽骨仁弘性鷙訐誣成渾以
其家在路傍不拜於壬辰大駕經過之時削其職誣
鄭澈以已丑獄事搆殺崔永慶與渾同謀以梁千頃
姜海等誣服為證上已不悅於鄭澈等一隊遂下
奸渾毒澈之教安邦俊疏曰臨時搆陷成渾鄭澈伏
君上之峻旨為發身之奸謀者鄭仁弘洪汝諄李弘
老竒自獻四賊是蓋兵燹之後推案無存舊人都盡
泯泯至今日搆生新語展轉增益至有史官一人追
書於冊曰前贊成鄭澈上變告前修撰鄭汝立死之
眩以已丑獄為偽仁弘嘗著崔永慶行狀滿紙張皇

無非誣飾其中有臨死時謂尹光啓曰吾無罪犯只
與成渾交絕故被禍至此光啓乃海南聞人也與安
邦俊相親平生未嘗有係獄之事且與永慶無一面
之分厥後仁弘曰當初尹以李潑至親與崔司蓄永慶
名同在一間相語如此而到今聞之人言誤也吾當
剛改後使其門客文景甫上疏伸雪永慶匿光啓姓
名而其言則專用之至光海朝片言隻字及於渾澈
者則永為身禍○戊子都中士子千百聚徒佯狂作
恠千態萬狀或為巫覡之狀或為喪葬之事築土踴
躍趨東走西且哭且笑相問曰何事笑哭高聲自答

曰笑將相之非人哭國事之將亡又仰天大笑一時
名之曰登登曲倡首者鄭孝誠白震民柳克新金斗
男李慶全鄭協金誠立等三十餘人東西之戰自此
益深各自謀己之利委國事於相忘己丑之禍衣冠
塗地壬辰之亂國勢垂亡痛哉時歌曲又有樂時調
其聲流連淒楚其狀搖頭動身無耻又有啓眠調悲
憐哀慘又有平調羽調邈邈調皆悲慘識者以為壬
辰兆云

邪正構誣

先是甲申年宋言慎以全羅巡撫御史到羅州謂奇

孝曾曰當初西人意在興寧君而不在今 上其言

極凶慘蓋自甲戌年間東人論議日漸偏邪鄭澈以
為沈義謙無大罪而必欲置於不韙之地並與一邊
士類而斥之此其用心不正極言其非故澈亦見嫉
於仁弘輩欲售其志以澈為機穽造作凶悖之言流
入宮禁搆陷西人使 上厭聽然後已已年仁弘以
掌令啓以澈義謙相締結為心腹窺覘形勢癸未許
錡劄論李珥曰鄒陽所謂偏聽生奸獨任成亂范曄
所謂妬賢嫉能御下蔽上主不覺悟者其志將欲何
為也其時珥謂宋翼弼曰今番吾被罪則彼輩欲為

切臣矣翼弼曰何也珥曰以李俊慶為源頭凡所論
之事其機已顯然矣其後乙酉宋言慎以城上所論
義謙歷數其黨潑以大司諫追啓及辛卯二月儒生
安德仁李元長尹宥後改宥李瑱李晟慶等五人疏詆
澈以誤國前是澈約成龍請建儲山海諮于 上

澈與山海

領

成龍

相

率諸人

同對

首發

建儲之請

上不答領右相皆無言副提學李誠中大司諫李海

壽等曰此事臣等所共議也特旨誠中為忠清監司

海壽為駙州牧使前數日誠中草建儲劄大殿別監

金喜壽常習於誠中忽來見誠中辭以有事喜壽曰

有不得已事必欲面陳乃出見則曰聞玉堂劄請建
儲云然乎自 上震怒吾持御札往領相家已六度
自袖中出示御札澈由是大忤 上意乃免相至是
山海李弘老等教安德仁等上疏 上引見嘉獎之
曰鄭澈誤國何事德仁對曰為大臣沉于酒色乃其
誤國 上曰酒色豈至誤國耶蓋引見出於意外故
弘老等未得指授其所對矣其後俞大禎謂鄭欽曰
吾與李弘老契厚辛卯吾為翰林弘老以佐郎居憂
要見我往見則曰吾欲駁鄭相吾曰何事弘老曰吾
為大同察訪時金公諒納馬於驛吾以十二同給之

自 上甚喜仍指壁上銀帶曰此恩賜也吾曰雖如此何以捉之曰此有御札欲開匣示之吾揮手曰勿出他人縱有言君則不可為也弘老又曰鵝溪欲請建儲而意在信城國事吾輩為之他人不欲與之後弘老果誘德仁等上疏吾中心以為不絕此奴必蒙及吾為伊川時弘老出餞東門外諸人行酒吾以扇揮弘老之盃落於地謂曰吾與君交道已絕左右皆恠之此言在弘老得志之日誠不誣云山海納交申砭杜門諱客日夜相對啗之以信城建儲之利又言澈將害信城母子之事恐動之且厚結其乳母飲食

饋遺不絕其婢於砵弟礫亦乳母也以故礫嘗唾鄙
山海辛卯閏三月大憲李元翼掌令趙仁得尹彙茂
持平李尚毅鄭光績大司諫洪汝諄司諫權文海獻
納金敏善正言李迂臣尹曄合啓鄭澈白惟咸柳拱
辰李春英互相朋比濁亂朝廷欲陷異已教諭儒生
上疏名卿士類驅入逆類欲盡殲滅云云憲府先論
拱辰春英趨附宰相上曰宰相為誰遂以澈對

傳曰古者罷黜大臣榜于朝堂所以昭示罪狀于國
人之耳目而以懲後人也今此鄭澈罷職依古事榜
示朝堂時汝諄主張臺論與山海相為表裡蓋於已

田冬惟咸駁汝諄以陰險貪婪人視之同豺虎其已
藏被害之心實是朝著間一賊汝諄乃甘心於澈等
上意以欲滅信城母子之謫惡澈而汝諄等謂不可
據此為案故執他事湊成罪目而元翼亦為其所誤
靡然從之七月澈竄江界惟咸拱辰春英并配北道
禁府都事李台壽到順安馳啓鄭澈病重不得趨程
傳曰台壽不畏朝廷押去奸賊不嚴任意自行拿鞠
遣他都事押去鄭澈賦性奸毒既到配所交通外人
未知作何等罪狀嚴加圍籬府使洪世恭希山海等
肯壯其圍籬不見天日雖鳥雀不得通兩司合啓右

贊成尹根壽判中樞洪聖民驪州牧使李海壽襄陽
府使張雲翼等黨附鄭澈引進奸邪請並削職從之
又啓兵判黃廷彥承旨黃赫柳根戶判尹斗壽海伯
李山甫司成李洽兵曹正郎任炫禮曹正郎金權高
山縣監黃慎司果具寇等黨附澈傷人害物並請罷
職聖民海壽雲翼請並加罪遠竄 荅曰兵判與黃
赫豈如是乎尹斗壽之寬厚有才智柳根文藝之士
予甚惜之此四人不可從三人竄北邊先是己丑儒
生丁巖壽應旨上疏斥山海成龍 上震怒鞫巖壽
等十人大憲尹滉執義成泳掌令沈喜壽等累啓伸

救至是并請罷職從之合啓護軍朴漸黨附鄭澈汲
引險邪請削職錦伯李誠中以士類中人往來鄭澈
門下預聞謀議舍人禹性傳好詭異之議脅持公論
黨護鄭澈請罷職尹斗壽黃赤請遠竄 荅曰依啓
性傳為人陰險黨護鄭澈不可只罷削職連日啓請
赤削黜斗壽配洪原當兩司請竄澈之時汝諄往復
于性傳性傳諱而不見又見金曄曰大臣出外已過
中何必加罪汝諄通于內性傳削官曄為嶺伯誠中
以達儲忤旨故并論之九月汝諄論崔永慶為吉三
峰之說不過鄭澈陰喉梁千頃兄弟及姜海等使之

做出而殺之也請拿問千頃等依啓於是千頃姜海
等被囚嚴刑千頃等引任禮臣等十餘人以為言根
獄官不問是時傳曰奸臣鄭澈所搆誣排斥者并
擢用蓋上惡澈在建儲而難於聲罪故以此微諷
臺諫至是汝諄等以永慶事論啓千頃等不勝拷掠
誣服而死時金誠一誘千頃曰汝謂指崔為三峰是
澈所喉則可生千頃乃誣引澈云汝諄欲加罪於澈
會中學大諫李德馨曰罪名云何允殺大臣必罪名
明白人無異辭可矣不然不足以服人執義盧稷曰
吾意亦然遂不售其計德馨乃山海壻也嘗啓澈等

以奸黨若不知山海內通釀禍則已矣或知之反謂
奸黨甚不韙云壬辰車駕至松京從民願釋澈獎以
忠孝大節命急赴平壤仍臺啓竄山海十二月兩司
請竄洪汝諄李弘老宋言慎 荅曰此時而有此論
乎此人等之罪予未知也無乃設一機而陷人乎諺
曰鯨戰蝦死此之謂也所論既如此不得不從又教
曰此人等頗劾鄭澈以為奸云癸巳澈之赴京也
上密問申礪曰鄭澈往上國謀立東宮云信乎礪極
明其不然是年澈卒甲午秋大司憲金宇顥玉堂鄭
經世等啓澈搆殺崔永慶陽救陰害請追奪褒贈永

慶依啓贈永慶大司憲王堂鄭晔西司尹昉申欽李
慶涵李時發辛慶晉李晔光朴東說立異不叅 上
教曰今番之論何以紛紜不即歸一也字顓經世等
曰有一重臣陰立伸救之論故如此蓋指成渾云丁
酉四月崔喜男洪奉先南以俊尹宓等䟽言李潑白
惟讓之寃死皆鄭澈白惟咸之搆誣也其時大臣不
能伸救無異於澈 荅曰爾等之言誤矣是時山海
弘老爾瞻等相為朋比謀陷成龍以潑等之死歸罪
於成龍也北人駁成龍至此韓侂冑史彌遠而謂當
懸之藁街且曰田園遍一國成龍語人曰時人雖嫉

李涵猶不能加以貧鄙之謫我則不如李涵可知也
先是汝立之被誅也澈曰柳而見山野朴直之士今
何如也成龍大啣之且其姓名出於罪人文書中深
恐被罪乃䟽辨曰臣素惡汝立不少許假故臣友李
敬中擯斥汝立不擬清望以至於被駁矣上命贈
敬中爵其時臺諫削鄭仁弘朴光玉職仁弘固深疑
澈之惡渠而又怨恨成龍曰鄭澈必欲殺我也澈沒
而欲追禍泉壤成龍終為擯逐先是澈在定州謂成
龍曰公與我同事陷我於不測之地一不相問與人
共事者乃如是乎成龍曰知公之疑恨我也故不敢

相問耳澈曰李渤之老母稚子何以殺之成龍曰公則可以救其死乎澈曰吾則能救之也成龍曰其能然乎仁弘初與其妻弟梁弘澍搆怨相圖以弘澍出入牛溪門下意成渾習聞其惡由是嫉之及上入弘老之諧仁弘揣知上意使其徒玄風居前正郎朴惺及生負文景虎等疏斥成渾指喉鄭澈搆殺崔永慶壬辰之變大駕過其門渾閉門不出其遺君負國之罪此亦極矣殺永慶一事固不足書也大憲黃慎等疏陳永慶事初由於兩南監兵使之啓仍舉當時天網難逃之教以明再鞠之由上盛怒教曰永

慶已鞫之後君上既命放之而兩司論之必有其由
終為其所殺則人之稱冤不亦宜乎大憲竒自獻等
覲知 上意啓以殺士之名欲令君父當之云兩司
追論永慶再鞫時臺諫 荅曰卿等始論殺人奸黨
於十年之後一線公論如稚陽初動絕脉復續夫天
下之事有本有末舍其本而治其末則徒勤而愈不
治先其本而後其末則不勞而事皆得其正矣今乃
舉討惡之典捨其魁渾僅論枝葉此所謂網漏吞舟
總功是察兩司請削渾官 荅曰成渾之罪不在多
言只黨結奸凶在所必討而至於殺人之慝不須並

論毒澈構殺永慶之後稍有知識者皆著與澈并生
於鴨江之東而渾也不為絕交其所以不絕交者無
乃其心足可知也雖然今日公論得行已授之官不
須退棄屢啓 荅曰公論如此依啓但以已著黨奸
遺君之罪罪之可矣渾已於戊戌卒慎以門人引景
市疏門生徒黨之說避而仍陳本事憲府李成祿趙
詡閔有慶處置請出而因嚴教避嫌諫院趙希輔李
軫賓金止男李卿雲處置請出成祿又曰嚴教避嫌
王堂申欽崔尚重李顯英洪遵處置以為捏造無形
擠毀士類者前後滔滔憲府所論誠不為過云而請

出之以諫院有不察之失請迎不察云者諫院避辭
以爲前後論例絕無指成渾爲言者今景虎做出不
根之說云云成渾退奪時論啓三司憲府李效元朴
震元姜弘立宋錫慶諫院柳濤鄭轂崔忠元李文澄
權泰一王堂尹暲朴而章姜載等論啓永慶再鞫時
臺諫兩司憲府洪履祥尹義立柳希奮金光晬諫院
鄭光績姜載等而王堂李廷馨李志完等又啓而其
指辭皆以爲永慶清明直節林下處士鄭澈置之死
地成渾終不救止云仁弘以大憲赴召即論黃慎以
下或竄或黜無遺至於成渾比秀吉鄭澈比清正

上皆嘉納當時宋翼弼往見山海有憂愁將死之形
曰有一丈夫必欲殺我我其死矣蓋山海曾為吏判
時擬汝立金堤郡守而渾議于澈欲論之李希參
聞之傳于山海山海意必至於死欲圖自免之際因
建儲之議欲為傾陷渾澈之計又因翼弼通報于渾
澈冀其止也所謂大者即渾也 上自聞山海之諂
間大疑澈慮有禍變使信城外舅捕將申砮率軍官
直宿信城家人皆恐懼年少士類之目以西人如沈
喜壽等恐有連累多言澈之過失回以免禍且急於
名官其計可哀至於成文濬欲離其父交道移書爾

瞻曰亡父有何所利而與鄭澈同事乎又曰曹次石


植之
妾子


及陝川郡守金希男行再過于仁弘以明渾澈

不親之狀希男謂以萊庵於牛溪解惑不為深治其
過云而仁弘著崔永慶行狀於渾澈尹斗壽搆捏詆
斥無所不至烏在其解惑也文濬踈滄浪以渾之子
文行見稱於世不嚴邪正之辨可惜金長生以為已
丑之獄前後議讞松江一皆相議於牛溪公心平反
而子弟門人怵於禍福為此分貳之計非所以述父
師之意也又其伸冤文字尤多不韙之語既移書文
濬而嚴責又責申應槩以不能善導師門子弟重得

於父師文濬又嘗於爾瞻時遇曹次石於路稱仁弘
為先生而問其安否又問其幾時赴朝一武人見其
狀告于金尚憲尚憲嘗賤惡之○明廟嘗夢 太祖
告曰海西某卿家有好女可亟納必運國祚明日又
夢如之使人訪之一如夢狀但女是潢派近宗女也
納宮中只弭敬嬪能善釀酒 宣廟即位偶往顧帷
中曰有新釀乎有女在帷中明貌映嚴 上驚問誰
也嬪對曰母弟有女姓金老身方要一見倉卒不能
引避 上欲納之嬪不敢辭女遂為仁嬪誕 仁祖
或曰女是潢派 明廟難之問李浚慶對曰苟利於

宗社宗女何害 上果納之後是為浚慶罪案之一
云張維撰仁嬪神道碑曰 文定大妃夢異人告曰
尚州李某有女子納之則吉覺而使人物色不能得
遇一僧指其居得之納于後宮是為李淑儀竟無子
仁嬪實曰淑儀得進嗣續昌大 文定之夢殆天之
啓衷乎







水

庫

全